

師荔廓詩集

卷
十九

師荔扉先生詩集卷十

雲南叢書集部之三十三

滇西師 範荔扉

朝天集下

馬道驛旅夜感賦

山影堆門黑江聲落枕逾一燈紅耿耿半榻夢悠悠道
堆移寒暑詩多寡唱酬共傳溪口渡舊迹表樊侯

武關

路迎褒水轉山逼武關青鬱鬱龍蛇氣蒼蒼虎豹形怪
奇無不有木石蠢能靈老敢穿秦棧愁多髮已星

馬鞍嶺

自入褒谷口怵此挂山路馬鞍二十四一一記其數內
崖欹欲飛外江激逾怒架空欄楯危俯視怯移步天心
偶缺陷人力起調護總覺欠自然鑿險以爲固我意鏹
之去行旅免迷誤終恐未必能微吟日方暮

曉發小畱壩

路總臨江水波寒照影涼晴山森紫翠曉樹雜丹黃杖
與人相倚天隨眼共長岫雲高不出回望但蒼蒼

過紫柏山不得謁畱侯廟

蔓草畱侯廟寒雲紫柏山仙踪原落落澗水自潺潺辟
穀人應在參禪衲未還急裝治何事清曉上柴關

柴關嶺十六韻

嶺以柴關著題詩訝阮翁斷崖千仞合微徑一痕通樹
密能移館烟消雀選叢寒林穿瘦口殘葉撼飄風山骨
嶙峋峙巒頭結構工嶂廻堪落雁坂折擬垂虹蟻附行
當緩螺盤望欲窮巍巍凌隴蜀屹屹限西東憶昔馳黔
道長疑在眼中峯嵒疑滅此嶮峭或相同據地奔雞鳳
南有雞頭北有鳳嶺摩天仰岱嵩威能兼紫柏氣已失烏欏晴色
來蒼莽朝光見鬱蔥人方愁戀棧我獨感飛蓬聞祀赤
松子兼圖黃石公留侯如可接不必訪韓終

連理樹

柴關嶺下路斜出千林紅葉輝朝曦龍鱗蟹爪極點綴
就中一樹真絕奇一樹兩幹大各抱上忽同體如纏絲
合歡果與並蒂蕊相形何必競陸離我聞青陵樹栖共
命鳥晨夕接翅交娛嬉又聞粵東榕樹互糾結可門可
屋盤虬螭或出有意或無意冥冥盡洩天地私

南星鎮

落日古陳倉碑橫大道旁心勞漢丞相氣盡假齊王地
正交秦隴天持界雍梁我來方十月錦樹飽經霜

旅次對月

一痕新月影亭亭照向寒燈色共青屈指五逢初五夜

旅人今尙滯南星

曉次廢邱

茫茫收菜日烈烈滌場天路半依營窟人知理稻田水
寒冰結面葉落樹畱顛似此真邱廢神傷裂土年

新紅舖至鳳嶺

巨壑森積陰日下已亭午霜欲裂人膚險亦栗人股是
時方孟冬孱力已難努我生歷饑寒輕脆羞與伍發憤
凌坡陲馬筮手自挂鳳嶺高插漢不到信非武似聞山
靈言登頓無乃苦

文王備聖德鳴鳳翔岐周鳳聲歇已久鳳跡今長畱我

鳳嶺集卷之三
來鳳嶺巔俯視第八陬東盡黃金臺西挹崑崙邱海宇
洽治化禮教陶諸侯頗聞有丹穴百鳥弗敢投老鳳羽
颺颺小鳳音啾啾朝餐苦竹實暮飲清泉流問爾胡不
出出爲天下休覽輝且一至吾寧接輿儔

鳳樓

廢棧如折轅狼籍陰崖端斷木列雁齒鑿石嵌虹闌駭
目岫雲倒撲面溪風寒不歷道途險豈知天地寬人苟
無外累菽水堪承歡落落遠行人一身備艱難此間計
成敗寧獨悲章邯駐輿試回顧日晏衣裳單

鳳縣感賦次阮翁柴關嶺韻

倚燈空爲撥檀槽一夜風吹萬木號
洋水北浮秦月冷武關南入蜀雲高
閒驅赭馬人將老生割黃麋興尙豪
歸臥寒齋逾八載解牛今許學操刀

曉發黃牛舖

燈影雞聲裏霜濃石滑時
貢歸南掌國路入漢王祠
境已兼幽曠人誰念別離
故鄉當此際高卧掩茅茨

✓
緬子回

緬子回守備回太守回一轎八班
繹廿四怒馬來道飛紅埃衣裘炫
奴隸酒肉轟輿臺南棧苦北棧苦
一夜催夫惡如虎不見旗書緬甸
王前站冲州更撞府雲貨銅

牙珀玉京貨絢綾靴鞢那少官差護送省花稅錢腳錢
我皇恩深賞勞重緬使不來地無縫緬使若來有蛇弄
陞官發福仍發財打點明年再押貢

路遇劉芥畦數語別去書此追寄

煎茶坪裏路十載忽逢君京洛衣如舊風塵氣不羣朝
陽下秦嶺危棧躡江雲抵舍重開甕梅花色正芬

煎茶坪

煎茶坪下霜似霞煎茶坪上風吹面斜坡低學牛飲水
曲曲岡巒步步變隴雲南去橫千折秦嶺北迴通一線
爭傳漢皇此煎茶說之往往如目見茶事始唐盛於宋

未聞古有碧玉片
滎陽恐是逢水厄
鴻門無乃作茗戰
俎上翁欲分杯羹
溺冠烹狗技獨擅
何如文叔兼唐宗
豆粥麥飯都堪眷
漁洋詩成體自精
野語無勞置深辯
大谷轉盡平川開
走馬直入寶雞縣

出棧

今朝真出棧
風雨怯回頭
羌樹重重合
巴雲冉冉浮
驚魂喜全定
老淚澁頻流
嘯侶天邊有
他時述此遊

益門鎮

益門千載不須局
劍閣銘連郾閣銘
時去周秦共禾黍
事成王霸各英靈
長天日射金城紫
橫嶺雲盤蜀棧青

聞說咸陽冶游地五陵原上草冥冥

祀雞臺

寶雞縣東十五里

山雞飛去石雞留陳寶祠前霧未收渭水清連汧水濁
雌雄都向此中休

釣魚臺

舊德周邦紹睭聞紂惡頻一竿坐烟雨寒水蘊精神瑞
啟魚璜秘雲消釣石春淮陰與嚴瀨都覺欠經綸

岐山道中遇雪作歌

南人墮地稀見雪孱軀那慣支朔風三九四九偶集霰
敝裘無事悲蒙茸記我趨庭客遼右屢閱盛夏經嚴冬

元霜逼面膚欲裂黃雲覆野天爲空六花如席亦如手
或如珠落聲淙淙戲拈禁體作白戰酒顏時復相映紅
一羶歸卧鄰劍海寒城北眺蟠玉龍八年十與點蒼會
觸目渾似雕瓊工避熱就冷每自笑負茲癖性誰能容
今秋送謁蓬萊宮路穿黔蜀逾羌庸岐陽城西渭水澌
瑤英飄洒飛向東集衣隨馬太倉平翻葩漾絮何玲瓏
昔聞此地近賢聖後車延載徵非熊又聞宣王來講武
臣竊銘碣矜車攻眼前光景清到骨詩魄直儼摩璇穹
但願遺蝗深入兆瑞麥薄海內外常得歌時雍

晚抵岐山縣

蒼莽岐陽路雲消雪映空寒暉一城紫落葉半川紅地
實生西伯民知慕古公儘多秦漢事過眼若飄風

班氏宅

一門才望復誰同史到蘭臺體更工續罷遺書呈女誡
大家兼有父兄風

班固墓

西郭塵轟大道旁一區烟草白於霜停車我向墳前拜
抔土能留百代香

蘇蕙娘織錦巷

匆匆織錦巷前過蘇蕙如存巧更多消得閨中人似此

不知何物竇連波

趙陽臺本不須嗔詩撰回文格韻真一點靈心雙辣手
千秋知己武才人

伏波村

五溪回首瘴烟孤床下梁公拜不扶誠子常嫌虎成狗
讒人偏使慧爲珠雲臺有此英姿未馬革曾如素願無
聚米據鞍心共壯恥憑椒室掩雄圖

武功縣

寺本名慈德封猶記有邵唐基從此肇周祚自茲開稼
穡縣王運干戈挺霸才更憐蘇屬國頭白始歸來

感對山遺事

武功雲樹晚茫茫誰信中山竟有狼無限人間新樂府
汴東何處起康王

搬棧行

煎茶坪西朝隕霜益門鎮北森斜陽沿途繹絡走男婦
或騎或步扶相將背各負橐手挈杖姊能攜弟兒隨娘
歷盡犖确穿艱危如蟻緣垤蝸升墻面目黧黑膚不潤
寒風吹裂單衣裳就中一姥髮半白坐擁嬌娃啼路旁
細腰纖趾足顏色欲吐仍茹形徬徨停輿且目向前問
煢煢者今適何方爲言六七月苦旱禾麥枯死田全荒

三十三廳州與縣素封室乏晨春糧茲謀活命南入棧
甘犯險遠親虎狼馬道留壩我才過聞此不覺心內傷
土石凌雜少膏沃卽可開墾計非良從來拯饑傳善政
審酌糴糶儲厥倉恨有治法無治人遂致粒米充奸囊
博施本足病堯舜殫恩難起溝壑僵語罷囑汝試姑去
回望切勿思故鄉畫眉關亦接鳳嶺子規聲裏天蒼涼

馬嵬坡楊妃墓

長生殿裏獨承恩恨未相隨過益門一種零香與殘粉
較他青塚最消魂

蔓草淒淒接野塋壙中誰與致魚燈采蘋遺蛻知何處

尺土卿猶伴泰陵

梨樹全空佛院荒
薄情誰不怨三郎
野花數點淒仍艷
疑是珠鈿委道旁

雨雲消盡綺羅幽
黯黯斜陽土一邱
較李夫人真不及
背床低語靳回頭

咸陽縣

楚人一炬土猶荒
此地空傳畢六王
雲護三陵看未見
滿天寒雨過咸陽

大崇聖寺六詠

觀藏經楔